

天一閣藏明代方志選刊續編

天一閣藏
明代方志
選刊續編

PDG

弘治温州府志（浙江）

天一閣藏明代方志選刊續編
三

上海書店

溫州府志序

今天下十有三省而浙為首浙
十有一郡而溫獨遠溫之去浙
千有餘里枕閩福控台括實東
南沃壤依山為城環海為池有
五邑為之聯屬有三衛八守禦
所交錯布列為之保障際海之

外皆夷邦居之是郡雖遠而關
繫則重矣今也山不裂石海不
揚波民安于田里而吏安于職
守者豈非我

明天子御極聖德廣被海宇廓清
而致然邪撫今懷昔可深慨者
自胡元入主中國天下淪胥左

衽矣及方谷珍據海上溫又被
其荼毒斯民之不幸一至此哉
我

太祖高皇帝再造華夏重整冠裳
驅元主於沙漠降方氏于海隅
夫然後溫之舊染汚習一切除
去維新善俗油然而奮興式克至

于今日休

神功聖德昭揭宇宙高三王而
過五帝矣故淮來守此郡即欲
求方氏面縛之所想像其形容
以彰我

聖祖功德使海隅日出皆知休養
生息涵煦百年之深者幸生

大明之世亦郡臣之體然也夫
以一郡之小而

清朝之治體關焉生民之休戚判
焉郡志其可不修邪郡故有志
簡或脫漏詳或繁複覽閱之際
殺雜可厭於是謀諸王太史思
獻重加編輯思獻郡人蓋有不

得辭其責者况嘗修

國史修會典而何有於茲哉准
無似自登第以來周旋民事二
十餘年剖符于溫又若與山川
人民社稷相默契者是志之修
寔維素心憤僭據而感

皇仁凡以為是民也公務之暇參

詳其去取刪定其可否務適損
益之中而得乎紀載之要文雖
簡而意必該名一存而實必副
由建郡以迄於今其山川之美
人物之盛道學之懿政職之詳
本末精麗一以貫之而無遺矣
展卷舉目了然具見庶幾吾郡

人士知今之所以安於太平無
事者皆

上之賜且因一郡以知天下也

弘治十六年歲次癸亥春三月
戊辰朔

賜進士第中順大夫温州府知府
吉水鄧淮書于鹿城書院

温州府志序

太一既判兩儀位矣形而上者謂之道形而下者謂之器：體夫道道行乎其中而綱維之是形而下者可紀形而上者寔在焉先王疆理天下物其土宜達其志而通其欲齊其政而脩其教未有外道而冒為者禹別九州定其山川分其圻界條其物產辨

其貢賦周則夏官掌九州之圖以知
山林川澤之阻地官掌方志以知地
俗春官以星土辨封域秋官掌圖地
以辨財用九穀六畜之數司徒掌土
地人民之詳以佐王擾邦國家宰實
領其事而亦總為史官之職其即事
即物有條有倫孰非道之著也遷固
任陸而下有志與地者衆矣君子猶

或議之則志事豈易言哉溫為東甌
古壤在浙東極處枕江界溟天設奇
勝危峰層巒環控四境蟠幽宅阻一
巨都會民風土俗之良尚矣載籍有
紀蓋起于晉如永嘉記是已繼是
為圖徑為志為譜為編作者迭興歲
久湮燬

皇明洪武己未任守敬嘗一修之然所

紀悉啓運初務未及

重熙累洽之盛也况當詳而畧當約而泛其亦奚所鈎考以為政化資哉
弘治庚申吉水鄧侯安濟來知郡事
諏察民俗崇邁文教銳有志於編纂
方勤撫綏未遑也越三年治洽民和
郡以無事爰命瓚等於南塘日新寺
緣舊志而輯理之侯時臨閱焉商訂

得失酌量去取刪繁就簡黜駁登純
振鴻纖而罔漏貫皦昧而畢舉凡六
越月而成編總為二十二卷。為之敘
則鄙意欲以識顛末示警發也雖然
志所紀者若郡邑城池形勝風俗山
川土產賦役學校公署官職科第人
物為類不一皆器也由器揆道存乎
其人是故有郡邑則有治之。道有

城池則有守之、道有形勝則有壯
之、道有風俗則有敷之、道有山
川則有位之、道有土產則有育之
、道有賦役則有均之、道有學校
則有教之、道有公署則有居之、
道有官職則有泣之、道有科第則
有興之、道有人物則有重之成之、
道器不能無道而自泯道不能無器

而自行也吏斯土者依於道以制器
生於斯長於斯者依於道以為器重
其所以恢闢見聞開廓智慮含志曷
觀哉觀紀事之文而妙會言意之表
真知夫道器之不相離以厲其職分
之當然則志之助與為大斯鄧侯輯
志之本心歟瓚備負史官之後而又
生長于境內則輯志固其職也識陋